

樂師燈籠

C40
4514

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9



C40-4514

了翁上座請大藏及有
家書置武術禁雲山
我微矣殊院定亦中永
為學者不敢許出院內
當山二世鐵十排謹誌



B 64853

藥師燈燄

震旦桑門淨挺著

優婆塞 徐世清

陳祚昌 全閱

問藥師是大乘經否答是也問何遽知為大乘耶答
佛告阿難此義甚深唯除一生所係菩薩難可解了
又曰諸行聲聞獨覺乘者皆以大乘而安立之以是
知其大乘也問既大乘經何故說有為法答舉足下
步無非道場一色一香誠哉佛事治世語言資生產
業皆與實相不相違背方便善巧何不可耶一何擊

技部

乘而燈燄

撰述
奉豎掌指東話西施增上慢一流人全弄虛頭未得
謂得未證謂證撥無因果不畏罪福佛也沒奈何他
臨末梢頭像法轉時越發信不及了正法住世一千
年像法住世一千年塔廟堅固鬪爭堅固今正此時
業障所纏塞礙道眼奈何奈何薄伽梵涅槃門有一
個方便法見救度汝等尋常大言不慚說念佛一聲
漱口三日西方淨土我不願聞如今不要你生西方
卽生東方也罷東方世界號淨琉璃亦如西方等無
差別只是一件西方極樂卽無退轉東方世界亦可
生天爲轉輪聖王或生人中作國王大臣長者居士

多饒財寶富有倉廩威德具足形相端好汝意云何
生願樂否求官位耶求富饒耶求男女耶求長壽耶
饒你修行不修行說着飲食衣服醫藥臥具所受用
物都無盡期十箇有五雙割捨不得更有奇特不但
作諸事業隨意所趨乃至三十二相八十隨形直至
菩提與他釋迦老子無二無別你還肯好樂麼不是
此便是彼不上南便落北尋常說個地獄餓鬼畜生
汝都不信他琰魔法王在汝面前有俱生神具說罪
福你增上慢人還免得麼一般在人道中王法所加
縛戮係閉災難凌逼水溺火焚種種惡獸所噉乃至

擥蹙背僕白癩顛狂生居下賤爲人奴僕汝還甘麼
虎狼異類蚰蜒小物且不足言卽如牛馬駝驢負重
而行無罪無辜受人鞭撻是何道理衛太子許皇后
吳楚淮南並以咒詛死者千屬有因果耶無因果耶
日月薄融彗孛飛流飢饉頻仍戰爭不息民生其間
率多中天地獄三塗此其較著者也諸大乘經說六
度法總爲菩薩因緣勸汝布施汝又不肯勸汝持戒
汝又不能甚至積集資財破壞軌則一味我慢貢高
嗔與忍辱相反厭棄多聞與精進反毀敗正見與禪
定反于佛所說契經深意不能解了與智慧反一切

聲聞緣覺諸小乘法是束縛汝不定的這六度萬行
明明大路在汝目前汝又當面錯過一味指空望空
胡喝亂道不敬天地不信鬼神可憐生可憐生此一
回來失却人身真正救汝不得也泥裏喫跌泥裏洗
平常教汝參禪念佛七日爲期七日不了再是七日
如今業障所纏卒難消遣一日一夜乃至七日七夜
禮拜行道念念不可放鬆這八關齋戒關閉一切諸
惡增長一切諸善西域有人得生天果目連尊者曾
爲頻婆娑羅王攝授此戒此土任彥升沈休文諸大
英俊以是爲入道之基白居易問烏窠窠曰衆善奉

行諸惡莫作你晝夜六時在藥師壇中所爲何事然
燈續明放生修福畢竟圖度着可意事厭離着不可
意事這圖度可意的便是好善一心厭離不可意的
便是惡不善一心生慳重心生恭敬心無垢濁心無
怒害心七日一心乃至四十九日一心這四十九日
中光明不絕便是一盞淨琉璃綿亘十方內外瑩徹
了也我如今還說一箇譬喻這琉璃瓶本是光明內
外十方無所不照只因黑夜裏失却一隻眼睛無端
借些膏火以火生光以膏續火一息不來便暗昏昏
一齊不見了諸人要知你四十九日內還有一息不

來的時節麼直須念念是處處是時時是如膏續火
如火生光淨琉璃打成一片個裏却揀擇不得一毫
頭夾帶不得一些子的譬如琉璃若有揀擇便有照
有不照了若有夾帶便有亮有不亮了以有所得心
修無所得法還以有所得法證無所得心八大菩薩
乘空而來示其道路日光遍照月光遍照廣嚴城畔
圓陀陀活潑潑古鏡流輝東方西方一齊涉入此所
謂談網莊嚴也實際理地不受一塵佛事門中不捨
一法你增上慢人慣開大口撥無因果惑亂人畢竟
飯是米做塲是土做師姑是女人做因地而倒地

而起頭頭法法了了明明因果歷然理事不二到這裏還信得及麼也不要你參禪也不要你念佛只四十九日禮拜稱誦這藥師經身口意業自然清淨多生罪障累劫冤牽一時冰釋了也悟與不悟了與不了且漫商量洒洒落落做一個光明潔淨有道的人多少受用三塗地獄自然羈絆汝不着了佛昔本願與汝同證菩提斷不欺汝况復四大天王十二藥叉與一切天龍鬼神共相擁護豈不快哉豈不快哉一切不修行人諸惡鬼神奪其精氣一切修行人天龍神等所共護持福善禍淫斯理不爽天神人鬼儒典

有之益知此大乘經文不可謗毀矣還有數問駕囉吒鉢有一女人臨當產時受於極苦爲甚不持此經一時轉女成男去曇照禪師命終乃云閻羅王來拿我也莫不是彼王推問麼師子受戮二祖往鄴都橫被王法當亦名爲枉死麼如何如何玄沙道盲聾啞啞三種病人接伊不得果是障緣深重耶爲山水牯牛南泉水牯牛帶角披毛隨路而行罪過不少馬祖不安院主入問日面佛月面佛莫不是日光遍照月光遍照麼諸仁者除卻善男子善女人爲他鄔波索迦鄔波斯迦更立一名除卻疑神樂神八部等神爲

他健達縛阿素洛揭路茶緊捺洛等別安一義何如
速道速道

彌陀舌相

西溪偃亭挺著

吳山濤

同學

戴班立

全閏

問如來說法四衆臨筵爲甚麼彌陀會中比丘尼優
婆夷以及人非人等一齊不到荅成佛久矣
頌清淨從來無女人畜生那敢企追尋獨憐共命頻
伽鳥古佛光中再現身

問迢迢十萬乃是西方爲甚又說箇惟心淨土荅不
信長安在日邊

撰述
列傳
一
頌白鷺池邊半畝居綠楊兩岸間芙蓉怪他無限癡
男女奔走迢迢十萬餘

問阿彌陀佛今現在是果然麼蒼錯過不少

頌古佛過去久矣快把淨瓶扶起分明渡水逢渠原
來是姓張的老李

問極樂國土清淨有餘說什麼磳磳瑪瑙蒼暴富貧
兒自古多

頌釋迦貧迦葉富玉泉皓前世不修打倒了葡萄棚
留得一條布褲阿逸多阿逸多太無厭生討個大光

錢認王顧

問東方不動地瑠璃光菩薩亦與西方無勝世界安
養一般爲甚麼落日懸鼓帛以生西爲念蒼切忌指
東話西

頌一爲遷客去長沙西望長安不見家黃鶴樓中吹
玉笛江城五月落梅花

問妙華供養遍往十方仍以須臾還至本國莫是神
足通麼蒼不許夜行投明須到

頌驢兒三脚弄蹄行木馬臨風吼幾羣無足鐵牛連
夜走看煞區區沒眼人

問孔雀鸚鵡演暢法音喚他作畜生得麼蒼雖行畜

生行不得畜生報

頌燕子飛燕子飛何處黃鶯帶雨啼更杜鵑流血雙
雙瓦雀踏破柔荑

問寶樹出音使人念佛無情說法在在有之是果然
否荅燈籠拍手笑呵呵

頌燈籠拍手露柱開口八角磨盤空裏走喫不盡沾
來酒說甚麼趙州無常州有切忌切忌播揚家醜
問人民國土無量僧祇成佛以來今止十劫然則十
劫以前當不得名爲極樂也荅春風是處馬蹄香
頌無量阿僧祇劫怪道不生不滅東風搖曳柳絲長

三箇烏龜證箇驚果然是秤錘嚼鐵

問補處稱尊獨許一庄授記爲甚麼有餘方便令他
凡聖同居荅未容揀擇

頌一箇兩箇千萬箇海壇馬子似驢大烏梅結網打
蜻蜓師姑原是女人做

問不到西方必愁退轉釋迦彌勒何爲睹史陀天荅
珊瑚枝枝撐着月

頌溪西鷄齊啼屋北鹿獨宿不是上天堂便是落地
獄雪山六載何曾出家少室九年也未離俗

問一心不亂卽得往生古人道生則必定生去則實

不去是否蒼到頭雲定不離山

頌天地只爾戶庭已悠世與我以相遺復駕言兮焉
求老僧百年後山前檀越家變一頭水牯牛

問東方舌相遍覆大千且問南西北方上下再來作
何安置蒼如影投影

頌不是心不是佛不是物古往今來窮不徹韶陽老
得一椽擬思量沒交涉昨夜門前流水聲癡人喚作
廣長舌

問一切諸佛同知護念爲甚麼觀音勢至獨號當機
蒼寃有頭債有主

頌指數珠修行下坡不走晝夜六時披柳帶肘一笑
歸來何所有三三成一九兩個黃鸝鳴翠柳

問子憶母母憶子啐啐同時爲甚麼又道作家不啐
啐蒼真誠不是小兒嬉

頌子啐母啐母覺子轂觀音彌勒太煞婆心牛頭夜
叉寒威卓朔咄咄老鼠哥哥入牛角

問娑婆教主能忍能行與彼阿彌陀如來畢竟誰君
誰臣誰賓誰主蒼向時奉奉時向

頌娑婆極樂教中王此土他方任主張但得王賓齊
一致莫教行旅往來忙

盧行者悟無住生心得法黃梅為青原南嶽之祖固
 知金剛般若一字一句有由也余過河渚造雲溪讀
 語錄盈尺嘆未曾有及閱金剛隨說并般若別傳使
 我毛骨並爽心目俱開竹林精舍去此非遙拈花微
 笑儼然未散頂門具眼舍雲溪其誰屬耶昔德山遇
 婆子焚青龍疏鈔道重海內乃今得偈和尚者有句
 無句雙眼圓明黃梅衣鉢他人不敢與爭烈烈千古
 矣

金剛隨說并般若別傳序

盧行者悟無住生心得法黃梅為青原南嶽之祖固
 知金剛般若一字一句有由也余過河渚造雲溪讀
 語錄盈尺嘆未曾有及閱金剛隨說并般若別傳使
 我毛骨並爽心目俱開竹林精舍去此非遙拈花微
 笑儼然未散頂門具眼舍雲溪其誰屬耶昔德山遇
 婆子焚青龍疏鈔道重海內乃今得偈和尚者有句
 無句雙眼圓明黃梅衣鉢他人不敢與爭烈烈千古
 矣

昔

撰述

康熙六年夏至日禹航同學弟嚴沆拜手題



金剛小引

禾中古資聖寺爲鹽官安國師道場偃亭和尚重來
繼席國師嘗云虛空爲鼓須彌爲椎甚麼人打得偃
亭和尚則豈非其人哉海內嚮慕翹勤非一日矣夏
五之月大周直叩座前飽聆禪悅真炎暑中一帙清
涼散也別後挂帆而北好一柄犀牛扇子直扇清風
過于虎阜快甚快甚至讀所爲金剛妙義則橫說豎
說權說實說七縱八橫翻天倒地無所不說究未嘗
說空生云未曾得聞如是之經大周亦云未曾得聞
如是之說也因合掌恭敬而爲之引

支那

金剛小引

燥漢一手推翻喝散大眾豈不快便難逢不啣重
新問起

如汝所說當爲汝說

若還一向不說未免法堂草深直恁如何若何誑惑
人家不少罷罷罷如汝所說當爲汝說應個來機雖
則私通車馬從來官不容針空生空生切須解聽
如是住如是降伏

宴坐巖中也儘發了當時著甚來由安他兩個註脚
若菩薩有我相人相衆生相壽者相卽非菩薩

離四句絕百非速道速道空生發得這個問頭如來

定然口啞

菩薩于法應無所住行于布施

應無所住只這一句逗漏已多後來說個而生其心
重復畫蛇添足

若見諸相非相卽見如來

法眼云若見諸相非相卽不見如來且道那一個是

頗有衆生得聞如是言說章句生實信不

莫認驢鞍橋當阿爺下領

佛告須菩提莫作是說

好世尊急與一捺

何以故若取非法相卽著我人衆生壽者

前箭猶輕後箭深當時連下幾個何以故爲他空生
正坐在死水裏從伊痛處針錐

法非法非非法

百丈云教語皆三句相連初中後善若只說一句令
衆生入地獄若三句一時說渠自入地獄不干教主
事雲門三句臨濟三句會得也不難

法尚應捨何況非法

這裏一擊粉碎

如來得阿耨多羅三藐三菩提耶如來有所說法

耶

討甚麼椀

如我解佛所說義無有定法名阿耨多羅三藐三

菩提亦無有定法如來可說

空生空生當時在燈影裏相似

一切賢聖皆以無爲法而有差別

大有這個在

於意云何若人滿三千大千世界七寶以用布施

至所謂佛法者卽非佛法

於意云何一個鈎頭用得慣便大凡說法有權有實

有正有偏七寶布施衝天鷄子飛來驀地翻身收到
四句偈上佛法卽非佛法文殊普賢趕出山門外去
也且何名此經首山道低聲低聲向這裏會取

四句偈

僧問晦堂如何是四句偈堂云話墮也不知晦堂晦
堂墮也墮也

實無有法名阿羅漢

親言出親口

然燈佛所於法有所得否

事從根脚起只爲祖禰不了殃及兒孫洗得清來已

是大費唇舌

於法實無所得

須菩提尊者說經次帝釋雨華者云此華從天得耶
從地得耶從人得耶帝釋舉手者云如是如是

莊嚴佛土卽非莊嚴是名莊嚴

毘盧遮那佛從寶師子莊嚴世界翻身一輓直輓到
七金山際赤鐵輪邊依舊起來與他安樂佛土栴檀
佛土妙香佛土妙金佛土蓮華佛土妙喜佛土善在
佛土鏡光明佛土打做一塊攪做一團在藕絲孔上
出現你還見否

無住生心

無任布施一齊放倒無住生心一齊提起放得下提得起絕後再甦剎剎塵塵莊嚴佛事了也盧行者菩提無樹明鏡非臺說清淨心略較些子

不應住色生心不應住聲香味觸法生心

只在六根門頭卻不被他污染曹山墮墮有由也荷澤云西天二十八祖相傳無住的心淨名云從無住本立一切法捏個死蛇頭

佛說非身是名大身

說身相卽非身相是遮句說非身是名大身是表句

空生空生也解個有縱有奪

受持讀誦

和身托付爲受一念萬年爲持破塵出經爲讀常轉如是百千萬卷爲誦趙州轉藏遭他婆子檢點且道婆子別有長處也無

又受持讀誦此經

僧問首山如何受持山云莫污染法眼云證佛地者名持此經還是首山說的是法眼說的是

隨說是經

鹿門云遍大地是學人一卷經又古德云人人有一

卷經隨說是經應無有盡

經典所在之處則爲有佛若尊重弟子

臨濟云心清淨是心光明是無礙淨光是經典所在者法也佛者佛也尊重弟子者僧也是一是三卽今認取

佛說般若波羅蜜卽非般若波羅蜜是名般若波羅蜜

僧問智門如何是般若體門云蚌含明月如何是般若用門云兔子懷胎請問諸人是說般若不說般若
是名般若不名般若

如來有所說法否如來無所說

須菩提宴坐帝釋雨華云尊者無說我乃無聞無說無聞是真說般若佛云吾四十九年未曾說一字一耶二耶

微塵非微塵世界非世界

有者道微塵合爲世界故非微塵世界碎爲微塵故非世界恁地會又爭得乃申左手索云把將微塵來又申右手索云把將世界來良久云兩彩一賽

三十二相卽是非相

諸相非相不勞重舉驀指芭蕉云東京大相國寺裏

破袈裟大慧老人眼中著刺

身命布施

須知正恁麼時絕氣息時始是學人放身命處尸毘王飼鴿薩埵餒虎不足云也

離一切相則名諸佛

若見諸相非相卽見如來是兩個離一切諸相卽名諸佛是一個蓋見者從彼發見名者由我得名且要問你畢竟喚甚麼作佛

實相非相

卽是非相說名實相龜毛拂子兔角拄杖

不驚不怖不畏

語夏蟲以春冰則驚驅窮子于華屋則怖龍象蹙踏非驢所堪維摩詰云汝今不應有所畏也兼初中後言破空論以畏屬外道者未是

應生無所任心不應住色布施

無所任心結前無任生心住色布施結前無任布施兩段不同收歸上科

無所任心

問無任生心無所任心作何分別答無任而生其心無任爲本尚涉功勳生無任心觀體無生不落功勳

邊事驢覷井井覷驢身裏出門難門裏出身易

一切衆生卽非衆生

非衆生非不衆生卽非衆生是名衆生只今說得一半指木羅漢云是衆生是不衆生

此法無實無虛

無鬚鎖子兩頭搖芭蕉道你有拄杖子我與你拄杖子你無拄杖子我奪卻你拄杖子

不可量不可稱無有邊不可思議功德

不可稱者天上天下誰與安名不可量如恒河沙無有邊如四大海不思議如請飯香積借座燈王達磨

謂梁武云實無功德且道達磨是世尊是

我見人見衆生見壽者見

相本依他見由徧計教家分帶質境獨影境最爲清切咄懷州牛益州馬孟八浪漢莫一味分貼去

以今世人輕賤故先世罪業則爲消滅

雲居云動則應墮惡道靜則爲人輕賤崇壽云心外有法應墮惡道守住自己爲人輕賤總不若宏智頌云綴綴功過膠膠因果鏡外狂奔演若多杖頭擊著破竈墮竈墮破來相賀卻道從前辜負我雪竇又云勘破了也瞿曇勘破雪竇卽且置那裏是雪竇勘破

瞿曇處問取過去七佛

云何應任云何降伏其心

末後一著始到牢關腦後一椎欺君不得雪峰三登
九上百丈再參且道與空生此問是同是異

當生如是心

前說如是住如是降未免鉢盂安柄此云生如是心
原來師姑只是女人 生如是心爲甚麼覓心了不
可得不見道應無所住而生其心應生無所住心當
時初祖安心已爲他盧行者下個註脚

實無有法發阿耨多羅實無有法得阿耨多羅實

無有法名爲菩薩

黃蘗云還知大唐國內無禪師麼龍牙云打卽任打
要且無祖師西來意多少人錯會了也

如是如是

這黃面老軟似綿團當時何不更與一頓

如來者卽諸法如義

目前無法意在目前不是目前法非耳目之所到畢
竟那句是主那句是賓

此法無實無虛於是中無實無虛

龐居士說老婆禪心如境亦如無實亦無虛有亦不

管無亦不拘作他座王奴始得巖頭云但明取綱宗
本無實法你諸人還識綱宗也無明暗參同何不向
巖頭句下辯取

一切法非一切法名一切法

法本法無法無法法亦法今付無法時法法何曾法
恁般說話惶恐殺人還道是不立文字又云劫火然
天天不執山風吹石不聞聲百川注流海不溢五嶽
名山不見形老龐也覺辭費

非大身是名大身

阿修羅許大形體入海八萬四千由旬僅得一半有

時藏藕絲孔中請問是大是小

五眼

華嚴有十眼智眼光明眼出生死眼無礙眼一切智
眼且置卽如一切衆生心天眼所見佛眼所見還有
差別也無不見道諸心非心是名爲心華嚴云了心
非心故能徧應註破了也

法眼

依後得智見差別法菩薩有分別中具不分別所謂
入實相也夾山未見船子荅法身無相法眼無瑕未
免爲道吾所笑及出世千了百了荅個法眼無瑕又

是什麼道理你道古人說死法麼

過去心不可得現在心不可得未來心不可得

過去事已過去了未來不必預思量不於現前有所住了達三世悉空寂未免說老婆禪不如賣餅婆子一言之下焚卻他周金剛青龍疏鈔多少直截然雖如此當時德山太魯鈍生若是個伶俐衲僧好將婆子劈面一掌

福德無故如來說得福德多

達磨對武帝賣寶鬪著瞎波斯古人道一鋪功德早已成就了也意作麼生

非色身名色身非諸相名諸相

前總說身相此別說身相傳大士謂諸相具足應物萬般卽法身相也山花開似錦澗水湛如藍請問是堅固色身是清淨法身

無法可說是名說法

杜口毘耶掩室摩竭從來不喜弄兩片皮然雖如此水鳥樹林未免走漏個消息累他洞山老子開眼著賊奈何奈何

慧命須菩提

從來只是須菩提無端上他一個徽號塗污了也當

時天女相逢將他舍利弗捏任鼻孔變作五漏之軀
却是爲何空生空生甕中不怕走卻驚了

爾時慧命須菩提至非衆生是名衆生

此段非秦譯也唐穆宗時長安僧靈幽感夢入冥至
鍾離寺石壁上募入貫華之義續耶絕耶且道衆生
非衆生是何意旨可是了念卽定無有起處度盡無
量衆生麼說道理儘得卒恐未在良久云三脚驢子
弄蹄行畢竟喚做什麼

佛得阿耨多羅三藐三菩提爲無所得耶佛言如
是如是

夾山辭船子頻頻回顧子云汝疑別有耶於是覆舟
入水永覺詣曹溪一宿投契祖云如是如是祖之與
佛寧有兩耶萬古碧潭空界月再三撈漉始應知空
生空生也少不得這一問

是法平等無有高下

三世諸佛不知有鷲奴白牯却知有莫不是平高就
下麼古人道但高處高平低處低平莫動他分毫許
大品經云須菩提白佛言是法平等爲是有爲爲是
無爲佛言非有爲爲法非無爲法何以故離有爲法無
爲法不可得離無爲法有爲法不可得須菩提是有

爲性無爲性是二法不合不散此之謂也

脩一切善法善法非善法是名善法

脩證卽不無汚染卽不得不思善不思惡明上座本來面目你諸人還認取麼

凡夫非凡夫是名凡夫

麗居士云不是聖人了事凡夫凡夫若會卽是聖人聖人若知卽是凡夫且道那個說得是又云此語具一理二義理又如何義又如何試別白看

轉輪聖王卽是如來

現意天子得首楞嚴三昧卽現神力變普在會皆作

轉輪聖王三十二相及諸眷屬七寶圍繞如釋迦佛等無有異這裏合有一問轉輪聖王居金輪位是二地菩薩以福德力具三十二相不足疑矣且道在會諸大衆以何福德盡變轉輪聖王具足如來三十二相真耶幻耶當知如來亦復爾爾

若以色見我以音聲求我是人行邪道不能見如來

慈國師問僧南方知識以何法示人僧云祇道一朝風火散如蛇蛻皮如龍換骨本爾真性宛然無壞忠云南方知識說法半生半滅僧云和尚此間說何法

忠云此間身心一如身外無餘僧云和尚何得將幻
泡之身同于法體忠云你爲什麼入于邪道僧云什
麼處是某甲入于邪道忠云不見道若以色見我以
音聲求我是人行邪道不能見如來麼宗鏡錄引馬
祖示徒云靈光獨照物類不拘巍巍堂堂三界獨步
何必身長丈六紫磨金輝頂佩圓光舌相長廣若以
色見我是人行邪道萬松秀示衆云不斷聲色是隨
處墮聲求色見不見如來還有就路還家的麼乃舉
雲門觀音買胡餅話雲門云開聲悟道見色明心觀
世音菩薩將錢來買胡餅却是饅頭這爛葛藤被他

一班老古椎盡情說了也畢竟作麼生濟色不是色
聲不自聲蚊子上鐵牛無你下口處

於法不說斷滅相

僧問洞山寒暑到來時如何廻避山云何不向無寒
暑處去僧云如何是無寒暑處山云寒時寒殺闍黎
執時熱殺闍黎明中暗暗中明回互法門于法不說
斷滅相是果然耶

無我得成于忍

前云通達無我法者說名真是菩薩好音不惜頻頻
舉且道如何是無我得成于忍聾石聾提一張弓見

馬祖祖曰一箭射多少鞏曰射一箇鞏問祖一箭射多少祖曰射一羣祖又曰何不射鞏曰若教某甲自射直得無下手處乃依祖得度石鞏固其人哉

菩薩所作福德不應貪著

凡夫貪著菩薩不應貪著黃金爲地琉璃爲臺七寶行列是貪著否足指按地寶樹莊嚴纔攝神足忽然不見可容你貪著得麼乾闥婆城迷麻了多少人眼孔

如來者無所從來亦無所去

唐中宗遣內侍薛簡往召六祖簡問祖可坐禪否祖

曰若見如來若坐若臥是行邪道維摩詰云若來已更不來去者無所至肇論引放光般若云佛如虛空無去無來應緣而現無有方所大般若云如來真如無來無去善現真如亦無來無去如來真如無真如性亦無不真如性善現真如亦復如是咦詞費了也

一合相卽非一合相是名一合相

石屋云一合相卽非一合相明月蘆花沒處尋想伊只在秋江上註指不少瓔珞經云我今有十四億大衆以金剛口說決定義我昔法會有一億八千無訛大士達一性原頓覺無二一切諸法皆一合相從法

會出各于十方說此瓔珞大眾一合相者卽是不可說且道又說個甚麼來有眼無耳朶六月火邊坐

如是知如是見如是信解不生法相法相非法相是名法相

沿流不止事如何真照無邊說似他離相離名人不稟吹毛用了急須磨喚甚麼是法喚甚麼是相火爐裏拈取一莖翳毛得麼昔人破句讀楞嚴謂知見立知卽無明本知見亡見斯卽涅槃且道知見亡卻的人莫不無知同于木石麼不見道如是知如是見如是任如是降作如是觀如是如是

不取于相如如不動

南泉云喚作如如早是變了也洞山過水傷云切忌從他覓迢迢與我疎我今獨自往處處得逢渠渠今不是我我今正是渠應須恁麼會方得契如如渠不是我我正是渠且又作麼生會你諸人趨口說如理如事動著了也

如夢幻泡影如露亦如電

淨名云不任有爲不盡無爲有爲無爲是一是二圓通善國師舉陸巨牡丹花話已乃豎起拂子云一切有爲法如夢幻泡影圓通圓通爲他王老師披枷帶

鎖着甚來由又教中道虛妄見顛倒起不得久立從
業緣生念念不住卽且置有如彌勒在樓閣中彈指
向善財言是諸法性如夢如幻如影如像悉不成就
又作麼生魏譯云一切有爲法如星翳燈幻露泡夢
電雲應云一切無爲法如夢幻泡影如露亦如電直
待當來問取彌勒

雲溪偈亭挺和尚金剛隨說

禹航顯亭居士嚴 沈閱

黃面老子婆婆和和說金剛般若波羅蜜也不較多
傳大士講金剛經揮尺一下也不較少中間此彊彼
界定一十八任設二十七疑判三十二分離則各逞
胸臆要且同門出入雲溪抑不得已塗汚古人不免
胡亂一上好個世尊著衣持鉢面目宛然不起於座
說法已竟當時空生出衆大展坐具作禮三拜急請
諸人著眼豈不快便難逢可惜許忍俊不禁多口道
個希有希有且道如何是他希有處經中明言如來

攝述
者卽諸法如義又云如來者無所從來亦無所去又云聲求色見不見如來一幅倪雲林白描山水中間人影也不見一個卻是多少巧妙多少奇特諸仁者且莫錯過洞山辭雲巖問百年後誰邈師真巖云祇這是後有僧問洞山只如雲巖道祇這是意旨何如山云我當時幾錯過先師意諸仁者莫錯過好空生是一尊青龍佗佛特特而來未免入他保社也指望搭箇東瓜印子所以說善護念諸菩薩善付囑諸菩薩五百弟子眼巴巴的法華會上授記不遠了且任且任經中明言實無有法名爲菩薩誰當護念誰承

付囑然雖如此功不浪施爲發大乘者說爲發最上乘者說開口便說菩薩非復吳下阿蒙跛驚盲驢一般行徑所以說通達無我法者真是菩薩又說知一切法無我得成于忍此菩薩勝前菩薩只無我二字四相根原一齊都斷絕也諸仁者過去心不可得現在心不可得未來心不可得遭他婆子一問直是開口不來說甚發善提心早是錯也任個什麼降個什麼弄泥團漢有甚了期老瞿曇將錯就錯笑臉相迎垂下一個鈎子替歎不迭道善哉善哉阿蘭那行被他迷昧不少却順口答他道如汝所說發善提心如

是任如是降伏借婆衫子拜婆年不傷物義問個八
兩還他半觔何等現成何等慶快後來說如是知如
是見如是信解發菩提心一場話端纔得了畢中間
印證空生一則曰如是如是再則曰如是如是三則
曰如是如是一大藏教劈頭安個如是我聞剛被空
生搔着痒處和賊捉敗赤心片片滿口淋漓爲他又
安兩個註脚度衆生卻無衆生無我無人故無衆生
無衆生故無壽者如是降伏布施不受福德以福德
無故不受福德不住相布施故不受福德如所教住
應無所住是半句應無所住而生其心是全句此云

無任布施一點水墨兩處成龍却又下個探頭云可
以身相見如來不於意云何是探竿是影草祇園會
中慣得其便只此藥頭儘用到底直得水盡山窮弓
斷矢折母啐子啄機境相投這也不爲辜負諸相非
相卽見如來猩猩與汝相見了也問荅已畢空生晏
坐多時是點頭會腦的便信得及如是言說如是章
句驀起大心爲他衆生更伸一問一念淨信具諸福
德遠離四相是不待言且併法與非法兩頭坐斷經
中法相雙舉先拋相後拋法爲他空生是個知有的
人全坐在非法一邊法便拋了非法一邊貼肉布衫

最拋不下所以說個法尚應捨何況非法諸仁者如來開口說得一兩行經何處分章何從摘句空生大驚小怪便云得聞如是言說章句是無說說耶是不聞聞耶有所說法耶無所說法耶瞿曇此處急下一竿將一個阿耨多羅弄成熟鐵丸子令他吞吐不得空生隱隱的尚有一物掛在胸中一時還放不下按著膽說個無有定法也只依樣葫蘆說非法非非法而已心問口口問心卜度將來一切賢聖皆以無爲法而有差別三賢十聖差別宛然據他見處全靠在前法身邊那得個透法身句子如來輕施一撈把從前

所說福德放過那邊却將阿耨多羅併與此經一齊拈起趁口快說個佛法者卽非佛法文殊普賢起佛見法見見向二鐵圍山且問他十聖三賢向何處安身立命須陀洹非須陀洹斯陀含非斯陀含阿那含非阿那含阿羅漢非阿羅漢空生已證人空他實實信得及的只因他黃面老粧模作樣說個天上天下唯我獨尊又說然燈佛與我授記作佛卻疑別有被他如來一眼覷破急處施篙空生見路便行直下道個於法實無所得百千三昧無量法門向一毫頭上一時穿卻雖然如此法華會上各各授記各各莊嚴

五百箇沒緊要的禪和打作一團終日癡心妄想空
生攔頭一問護念付囑不免走入這伙伴裏如來因
行棹臂打破沙盆說莊嚴卽非莊嚴癡人面前不得
說夢前說無任布施是半句此說無任生心是全句
神通妙用運水搬柴鳥棲無影樹花發不萌枝六塵
門頭親切受用黃梅家法剛被盧行者一擔承當也
只在般若部裏拾得一句陳言當作家實諸仁者受
持讀誦一句半句也儘發了何況四句偈耶第一希
有那可追尋非心說心非身說身非文字說文字不
得已安個經名非般若波羅密名般若波羅密且道

以何爲金剛耶帝釋宮中之寶薄劣衆生所不能見
世尊哆哆羅羅說了一上畢竟說些什麼來諸仁者
莫眼花微塵合爲世界世界碎爲微塵大中現小小
中現大不可以身相見乃可以三十二相見那涕淚
悲泣深解義趣如是之經既離色相復絕名言摩尼
寶藏稱引徒繁白鷺池邊口門尚窄生實相者卽是
非相第一希有那可追尋離一切相卽名諸佛如是
如是親蒙印可有所說耶無所說耶非第一波羅密
名第一波羅密非忍辱波羅密名忍辱波羅密木鷄
號月芻狗驚霜何等境界空生空生打頭說個發菩

提心我且問你菩提心是有相的是無相的既知離
相作佛要須離相發心無住生心生無住心兩個五
百合成一貫將謂是別有耶布施離布施相衆生離
衆生相說住說降總只一般詞理啼得血流不如緘
口真語實語如語不誑語不異語將謂是別有耶空
生已知離相未知離法諸供養中法供養最諸布施
中法布施最有住法布施有不住法布施且問空生
何者爲法耶從前直捷了當開口見喉嚨道個如來
無所說只此一語千穩萬穩般若波羅密經渾身擔
荷了也讀誦受持不離這個在在處處華香散滿巖

中華雨不足奇矣功不可量功德無邊罪性本空罪
業消滅阿耨多羅有所得耶無所得耶不可思議不
可思議語言道斷心緣路絕黃面瞿曇一時口掛壁
上可笑空生這漢一不做二不休推啞粧聾進前更
問發菩提心應云何住云何降伏一路行來不知張
老官高姓秤錘上呷汁沙裏尋油豈不好笑諸仁者
你道空生爲何又起這個問題教中說青龍應化示
現聲聞不厭重重再三申請前問是根本智此問是
後得智仔細檢點將來空生已知離相未知離法緊
緊的捏定阿耨多羅不曾放捨畢竟謂有心可住有

心可降空界碧潭再三撈攬故申前問鴟鼻當風如
來這番略施活計先將一個軟套索兒套定了他說
發阿耨多羅者當生如是心如是之心謂實無耶謂
實有耶從前答降答任一云布施一云度生如今撥
轉面皮更不如何若何直下覆他無一衆生實滅度
者然後揮起金剛寶刀當面砍去說實無有法發阿
耨多羅三藐三菩提心鯨吞海水露出珊瑚血淋漓
地一副肚腸兩手掀翻和盤托出這裏始是空生放
身命處古人說學道如鑽火逢烟漫罷休直待金星
現歸家始到頭所謂百尺竿頭須進步也然燈佛所

實無有得如是如是親蒙印可如來者卽諸法如義
此法無實無虛於是中無實無虛一切法皆是佛法
非一切法名一切法謂實無耶謂實有耶空生空生
於法實無所得親言出親口只爲騎牛覓牛不覺證
龜成鼈如今一覺醒來端的舌頭只在口裏纔方站
得脚根便會轉身吐氣譬如人身長大一箇問端舉
起便薦前云佛說非身是名大身此云卽非大身是
名大身鷄鷹展翅多少快便空生空生也罷也罷今
此會中而爲菩薩說法上成佛道從無佛道可成下
度衆生從無衆生可度護念菩薩付囑菩薩實無有

法名爲菩薩連一箇把柄都弄沒了非佛土名佛土非莊嚴名莊嚴若佛法有者卽菩薩法亦有若佛法無者卽菩薩法亦無一切法是佛法一切法無我人衆生壽者通達無我是菩薩法從根倒斷盡底掀翻去年貧尙有立錫之地今年貧錫也無空生空生討甚麼碗憑將五眼覓取三心皆爲非心是名爲心覓心了不可得誰爲菩提心者誰爲發菩提心者布施福德拋向那邊更那邊誰問有無誰問多少非色身是名色身非諸相是名諸相前已合提此更分舉身心遠離如幻如化琉璃寶殿明月空塔其有法可說

耶其無法可說耶空生空生雖則鼻孔撩天卻也別開生面續佛慧命須是其人直爲未來衆生通一線地喚作衆生早是錯了也不喚作衆生早是錯了也非衆生名衆生畢竟喚作甚麼末後一著始到牢關樹倒藤枯水落石出如是如是親蒙印可阿耨多羅無有少法可得無我人衆生壽者是平等法非善法是名善法法法何法無法亦法此經尙留元字脚耶平等二字將他個差別話頭一擊粉碎矣受持讀誦遍界難量算數思維所不能及賓中有主主中有賓你不是我我全是你豈有衆生如來度耶有我非有

我凡夫非凡夫是回互是不回互以三十二相見如
來不見如來諸相非相卽見如來不可以身相得見
一句頭正尾正雖然離相出生卻又捨他不得於法
不說斷滅相雙放雙收同生同死是有法耶是無法
耶一切法無我得成於忍不受福德福德可思量不
如來者諸法如義無所從來亦無所去其可以身相
見耶非微塵名微塵非世界名世界非一合相名一
合相須彌內芥子芥子內須彌類之不齊混則知處
凡夫貪著如來不應貪著會見個什麼來非我人衆
生壽者名我人衆生壽者色相已離情見不立不住

此岸不住彼岸不在中間如是知如是見如是信解
鐘樓上種菜牀脚下唱贊兩個泥牛鬪入海直至如
今沒消息問取什麼人來非法相名法相鷄子過新
羅也不取于相如如不動如是如是作如是觀現前
大衆不得無分大衆祇樹給孤獨園一時不見了也
他化天宮靈鷲山竹林園攪做一塊混作一團你諸
人曾見麼摩竭提國普光明堂耆闍崛山一齊移向
舍衛國中去也你諸人還信得及麼如此告報也是
畫蛇添足死馬做活馬醫未免刻畫無鹽唐突西子
當時德山老漢爛熟金剛并青龍疏鈔一時焚卻卻

撰述
何等眼目趙州轉藏不下繩床又是個甚麼道理
大衆且過一邊

雲溪偃亭挺和尚拈金剛經五十三則

枯宅居士楊師益編

敷座而坐

拈云當時忽有人大展坐具作禮三拜拂袖便行也
許他具一隻眼或喝散大衆掀倒繩床也許他具
一隻眼或將老瞿曇一脚踢翻說老老大大作這
般行徑也許他具一隻眼

云何應住云何降伏其心

拈云空生空生麼語作麼好與一頓痛棒趁出在三
門外不許相見或者有箇入頭也不見得善哉善

哉教壞人家男女

應如是住如是降伏其心

拈云空生空生錯過一機了也當時若舉起便薦呵
呵大笑一場說原來佛法無多子豈不通身慶快
不啻嚼漢更疑他三十年

我皆令人無餘涅槃而滅度之

拈云老瞿曇口門尚窄也只說得一半狗子便成佛
也香臺又作麼生

菩薩但應如所教住

拈云切忌動著動著三十棒

若見諸相非相卽見如來

拈云法眼云諸相非相卽不見如來天童云一箇說
如來禪一箇說祖師禪會得甚奇特不會也相許
且道會得的也便罷了不會的卻怎生相許譬不
見道見怪不怪其怪自敗

法尚應捨何況非法

拈云火爐裏拈取一莖耆毛得麼呀呀墮了也

如來得阿耨多羅三藐三菩提耶如來有所說

法耶

拈云當時空生只合拍手歸衆

所謂佛法者卽非佛法

拈云綿州附子益州薑

實無有法名阿羅漢

拈云切忌坐在無事甲裏

於法實無所得

拈云情知情知

應無所住而生其心

拈云有者道石女起舞木人興歌道得十分諦當了

也住住佳莫將箇現成句子錯理會他

恒河沙

拈云好世尊撒泥撒沙迷昧人家眼目

隨說是經

拈云古人云咳嗽掉臂無非佛事莫不是隨說是經

麼知解宗徒未免依文解義了也

非般若波羅蜜名般若波羅蜜

拈云爪籬木杓與我安放一邊

如來無所說

拈云老瞿曇直得一時口啞

微塵非微塵世界非世界

拈云且莫向鬼窟裏作活計

三十二相卽是非相是名三十二相

拈云一棒打殺與狗子喫了也當時如來性命卻在別人手裏

離一切諸相卽名諸佛

拈云如何是諸佛出身處東山水上行老韶陽指東

話西扭壞他人鼻孔

此法無實無虛

拈云八角磨盤空裏走錯錯錯話墮了也

在在處處若有此經

拈云莫眼花好

爲人輕賤

拈云太尊貴生

算數譬喻所不能及

拈云前三三後三三畢竟是少

果報不可思議

拈云燈籠緣壁上天台與他寒山竹筒拾得笊筍一

時向摩耶夫人腹中現身作佛去也還有人信得

及麼若信不及三十棒自領出去若信得及三十

棒自領出去

云何應住云何降伏其心

拈云當時好與一喝待他耳聾三日別作商量也不致婆婆和和說箇不了

當生如是心

拈云五臺山上雲蒸飯十字街前狗矢天刹竿頭上煎餛飩子三箇糊繇夜簸錢說卽儘說恐太煞了也減度無量衆生實無衆生得減度者

拈云如何是行鳥道不逢一人又說不行鳥道且道行的是不行的

實無有法發阿耨多羅三藐三菩提心者

拈云樹倒藤枯句歸何處了也住住住且與我覓取

盃孟柄來

實無有法得阿耨多羅三藐三菩提

拈云落空亡的外道請過一邊且莫喚鐘作甕

如來者卽諸法如義

拈云喚作如如早是變了也王老師通身負墮口巴

巴道向異類中行

一切法皆是佛法

拈云雲門乾矢橛洞山麻三觔莫便是這箇道理麼

咄錯會不少

非大身是名大身

拈云頭長三寸頸長一尺畢竟是甚麼人喚取來我
要與他相見

實無有法名爲菩薩

拈云金果朝來猿摘去玉花晚後鳳啣歸道伴交肩
這裏莫錯認好

諸心非心是名爲心

拈云有者道剎竿頭上仰蓮心分明是這箇也且道
你面皮厚多少

過去心不可得現在心不可得未來心不可得
拈云周金剛好不丈夫被他老婆一問直得口啞若

是箇皮裏有血的何不與他餅子一擔打翻

福德無故得福德多

拈云真箇頭作許多痴福著甚來由好與他念法華
一齊趁出免得後人說勝說負

色身非色身諸相非諸相

拈云金香爐下鐵崑崙這裏作何分別
若人言如來有所說法卽爲謗佛

拈云掩耳盜鈴漢

說法者無法可說

拈云聾人爭得聞

佛得阿耨多羅爲無所得耶

枯云當時翻轉面皮痛與一頓儘教扶起沙盆

如是如是乃至無有少法可得

枯云東瓜直籠侗

是法平等無有高下

枯云切忌顛頂

修一切善法

枯云塗污了也

卽非善法是名善法

枯云牛頭出馬頭回

乃至算數譬喻所不能及

枯云撮空謾語

凡夫非凡夫

枯云李順王小二烏有先生無是公一齊向水牯牛

隊中打殺了三世諸佛也惟有謝三郎不在其內

若以色見我以音聲求我是人行邪道不能見

如來

枯云切忌當面錯過

於法不說斷滅相

枯云此事不得孤滯然雖枯木糝花要且眼中著屑

了也閻黎闍黎放過著

菩薩不受福德

拈云雖則貧無立錫只恐富嫌千口善現善現且與

我拈取華房百寶來

無所從來亦無所去

拈云釘釘著懸挂著

一合相非一合相是各一合相

拈云江南三月鷓鴣啼算來只在秋江上且道古人

語有差別沒差別聲

如是知如是見如是信解不生法相

拈云大家吹滅火一路暗中行饒你投明到來也須

三十拄杖

一切有爲法如夢幻泡影如露亦如電應作如

是觀

拈云牡丹花且置卽如栢樹子又作麼生無爲法有

爲法變作兩箇熱鐵丸兒一時穿向金剛鼻孔裏

去也具眼人惺惺著

經述

復學香齋

夫此其所以為心經者一也
 夫此其所以為心經者二也
 夫此其所以為心經者三也
 夫此其所以為心經者四也
 夫此其所以為心經者五也
 夫此其所以為心經者六也
 夫此其所以為心經者七也
 夫此其所以為心經者八也
 夫此其所以為心經者九也
 夫此其所以為心經者十也

雲溪偈亭和尙說心經小序

達磨西來以楞伽心宗二語為印維心之為宗旨且曰
 也心經以心標名僅無罣礙之文一見餘俱言空不
 言心維空之為心體也教中人空法空空空等多言
 空宗門即心非心諸語又言心不言空多言空者恐
 人見心不見空也言心不言空者恐人或心外求空
 也是豈有宗教之殊乎哉偈師茲說心經于標悉文
 義外逐節以宗門公案話指證此說大行人讀是
 經者無一語不可作話頭參究也非惟此經諸經盡
 然言心言空可言心不言空言空不言心可心與空

般若

復學香齋

俱不言可舉三藏十二部統歸宗旨無教相可別因
文入悟者世不知當幾人佞師之功未易量也

康熙八年冬仲構李法弟王庭頓首題

心經句義

雲棲後學淨挺著

王庭言遠

陳之遵靖菴
全閱

般若波羅蜜多心經

般若翻智慧波羅蜜多翻彼岸到五時說教般若在
第四時所謂熟酥也說般若四處一靈鷲山二給孤
獨園三他化天宮四竹林園白露池般若經十部大
般若部六百卷此爲其心猶楞嚴蜜部以多羅叶泮
等語爲陀羅尼心耳六波羅蜜般若最勝經者修多

羅也僧問智門如何是般若體門云蚌含明月如何是般若用門云玉兔懷胎是波羅蜜不是波羅蜜

參

觀自在菩薩

菩提薩埵謂覺有情也過去正法明如來現前觀世音菩薩三十二應身十四無畏法初於聞中入流忘所聞所聞盡覺所覺空得無量三昧若將耳聽終難會眼裏聞聲便得知稱觀世音明六根互用耳將錢來買胡餅卻是饅頭又作麼生且道自在否

行深般若波羅蜜多

香象渡河非兔馬跡譬如入水乃見長人般若是甚深智行般若若是甚深行舉足動步般若現前儒者所謂知行合一也檀波羅蜜尸波羅蜜羸提波羅蜜毘離耶波羅蜜禪那波羅蜜乃至行波羅蜜願波羅蜜方便波羅蜜智波羅蜜都收歸在般若波羅蜜如何行響說得一丈不如行得一尺說得一尺不如行得一寸

時

時節若至其理自彰

照見五蘊皆空

色受想行識謂之五蘊五蘊山頭一段空道盡了也
如鏡現像謂之照圓明了知見猶離見前陰後陰空
中陰亦空三際斷者五蘊悉空比琉璃瓶內外明徹
幻師作幻人無有識神現男女相師子尊者遇蜀賓
國王已得蘊空一場好看且問蜀賓國王是作家不
是作家

度一切苦厄

憂愁怨惱爲苦疾病災難爲厄本體無情都忘逆順
代一切衆生受諸苦厄度一切衆生離諸苦厄在地
獄中有三禪天樂汝還甘麼苟或不甘把髻投衙莫

謂不道

舍利子

般若部中鶻子當機以智慧第一故仰山香嚴過於
鶻子是否

色不異空

若取是色云何非空何以故色無自性故

空不異色

當體本空何妨現色彼太虛空不礙羣相所發揮故

色卽是空

色卽是空非色滅空白水云色不自色喚甚麼作色

空卽是色

若執是空空還成色色空本際無二無餘

受想行識亦復如是

色是外陰受想行識是內陰蘊結之初由內漸及消融之次自外旋除堅凝妄想爲劫濁虛明妄想爲見濁融通妄想爲煩惱濁幽隱妄想爲衆生濁顛倒妄想爲命濁由顛倒故有遷流由遷流故生煩惱由煩惱故成領納由領納故爲劫波增劫滅劫長劫短劫種種不實盡同虚空彼質礙相尚如是矣況其餘耶受想行識從無體性虚空變滅虚空往來若留滯者

正如以手摩撮虚空無有是處

舍利子

頻呼小王

是諸法空相

非有相非無相非非有非無相非亦有亦無相是諸法空相聲聞辟支佛祇證人空不證法空法無有法法非法一法該一切法故名諸法諸法不相知諸法不相到

不生不滅

生滅以體言從無有生云何得滅有爲是生滅法無

爲是不生滅法生滅滅已寂滅現前白雲終日倚青
山總不知兩個泥牛鬪入海直至如今沒消息

垢淨不垢不淨

垢淨以土言娑婆是垢極樂是淨足指按他現前西
方誰垢誰淨純清絕點似鏡常明未免真常流注也
打破鏡來這裏說淨併不得

不增不減

增減以時言以數言增至八萬四千歲減至十歲增
至阿僧祇劫阿僧祇剎減至剎那一微塵許老僧在
杖子還容你增減麼這竿竹恁般短那竿竹恁般長

隨分納些些一總增減不得

是故空中無色

火爐裏擇取一莖脊毛得麼直至虛空粉碎大地平
沈青赤諸色一時不現

無受想行識

七地菩薩入受想滅定受想不行八地以還行無遷
流識情斷矣大千壤時無有不壞不聞爛壞虛空
無眼耳鼻舌身意

五陰六入十二處十八界悉如來藏眼等六根遂爲
六入所見色與盲等所聞聲與聾等乃至受諸法不

分別故云無也還知無舌人解語無手人行拳麼喫
取穿雲木童問他消息

無色聲香味觸法

此明十二處也色本殊質像聲原異苦樂香味觸法
種種皆然此一一依根分布到得和根倒斷不立
纖塵色不到眼聲不到耳春眠不覺曉處聞啼鳥
夜來風雨聲花落知多少色聲外一段威儀非其人
不易語也

無眼界乃至無意識界

此明十八界也眼耳鼻舌身意是六根界色聲香味

觸法是六塵界根塵相對於中識生眼識界乃至意
識界是六識界生酥言八識熟酥但言六識此不言
八識者法味異故五識皆帶質境六識兼獨影境騎
虎入蟻穴是意識界非前種種識界儒者謂意之所
在卽爲物是意識界也十八界空十八界都離想相
三脚驢子弄蹄行脫殼烏龜緣壁走還在界內墜還
在界外墜

無無明亦無無明盡乃至無老死亦無老死盡
爲緣覺人說十二因緣法無明緣行行緣識識緣名
色名色緣六入六入緣觸觸緣受受緣愛愛緣取

緣有有緣生生緣老死憂悲非惱無明滅則行滅乃至生滅則老死滅盡卽滅也約三世因果說無明與行是過去因識及於受是現在果愛取兼有是現在因生緣老死是未來果約一世說則無明乃至老死六根門頭一齊併現究竟一境一念展轉相成一剎那間靡不畢受經云隨事貪欲與心六生心是識事是行於行迷惑是無明與無明及心共生是名色名色增長是六處六處二分合爲觸觸共生是受受無厭足是愛愛攝不捨是取彼諸有支生是有有所起名生生熟爲老老壞爲死三世耶一世耶諸經說十

二因緣者最多茲不繁引知麼知麼此事如擊竹相似一節破則節節破矣正恁麼時多生習氣歷劫無明一時斷壞有什麼生緣老死礙絆得他香嚴一擊忘知水潦被馬祖一踏踏倒起來呵呵大笑死生路上何等逍遙說緣覺法卽不中也

無苦集滅道

爲聲聞人說四諦法知苦斷集證滅修道阿含等部舌敝耳聾今日乃知着敝垢衣執持糞器是方便力非誠諦語尚無有樂云何有苦無有係離云何積集無有去來云何壞滅五根五力七覺支分八聖道分

三十七品助道之法都爲剩義矣如何是道見通車馬如何是道十字街頭休斫額呀錯過了也

無智亦無得

爲諸菩薩說六度萬行法六度以智爲本智波羅蜜般若波羅蜜如鏡發光非一非異以有所得心說有所得法是名爲得若菩提者則無所得經云無有智慧於中畢竟無得又云若無所得則無取捨又云無所得而得老僧忘前失後去也百不知百不會門前石敢當少分相應逢人不得錯舉

以無所得故

實無有法得阿耨多羅三藐三菩提者說甚有所得耶達摩老子踏空而來踏空而去藥山在石頭處如蚊子上鋏牛以無所得故

菩提薩埵

實無有法名爲菩薩菩提薩埵但假名稱如來說爲真是菩薩

依般若波羅蜜多故心無罣礙

小智不及大智小年不及大年菩薩智如來智是有分別耶無分別耶有罣礙心有無罣礙心肉團心緣慮心集起心堅實心是罣礙心廣大心甚深心方便

惱未盡非爲究竟自性清淨涅槃半是凡夫半是聖人非爲究竟此菩薩究竟涅槃直至等妙二覺入無餘涅槃不盡有爲不住無爲涅槃生死自在遊行方得名爲彼岸到也還有一說十方薄伽梵一路涅槃門乾峰雲門二俱不了畢竟如何以拄杖一時趕散

三世諸佛

三世諸佛在火燄裏轉大法輪被他白牯驚奴一時推倒且問白牯驚奴爲甚麼卻知有三世諸佛爲甚麼卻不知有響試辨別看

依般若波羅蜜多故得阿耨多羅三藐三菩提

世尊成等正覺龍女成等正覺廣額屠兒成等正覺五百弟子成等正覺一切衆生成等正覺乃至山河大地情與無情成等正覺是有差別麼若無差別爲甚麼黃面瞿曇指天指地誇口道天上天下唯我獨尊是個什麼道理

故知般若波羅蜜多是大神咒是大明咒是無上咒是無等等咒

脩多羅是顯義陀羅尼是密義顯故華梵合詮密故但用梵語婆婆和和有句無句華耶梵耶般若若不翻非有智非無智非解脫非法身波羅蜜不翻不此岸

不彼岸不此岸住不彼岸住不中道住顯耶密耶知
之者鮮矣風神雷神水神火神林神地神未爲大神
日明月明燈明未爲大明空處最上識處最上無所
有處最上非想非非想處最上未爲無上一微塵等
衆微塵等須彌等芥子等無邊刹海等十世古今等
佛菩薩等衆生等未爲無等等是大神咒是大明咒
是無上咒是無等等咒華嚴會上說個阿字法門這
裏不消重舉

能除一切苦

若苦壞苦行苦是爲二若生老病死苦求不得苦怨

憎會苦愛別離苦五陰熾盛苦是爲八苦大末蟲處
處能緣惟不能緣於火蹠之上煩惱處處着惟不能
着於般若之上般若現前如火消冰一切壞滅有何
不除斷耶雲門普玄沙虎禾山好打鼓良久云太乙
救苦

真實不虛

惟此一事實餘二卽非真真語者實語者此法無實
無虛於是中無實無虛諦聽諦聽良久云斜毛墮也
故說般若波羅蜜多咒卽說咒曰揭諦揭諦波
羅揭諦波羅僧揭諦菩提薩摩訶

揭以顯示爲義諦以誠實爲義華梵合也波羅卽彼岸到也僧者和合菩提薩者覺也摩訶大也意義可了乃彈指一下云專伸回向



法華懸譚

古法華山僧伽淨挺著

臯亭鶴山道人王益朋

始寧且庵禪者顧豹文 閱

問蓮華未出水時如何荅云蓮華問出水後如何荅云荷葉於此會得則襲襲香風涼生殿角吹去萎花更雨新者一刹那間說法已畢可笑他黃面老子費盡許多神力說法華經文殊牽犁普賢拽耙駕着一匹大白牛引動他許多天子天女情與無情人非人等聽得耳熱看得眼花一家有事百家忙大樂說菩

薩智積菩薩藥王菩薩藥上菩薩彌勒菩薩勇施菩薩
薩得大勢菩薩宿王華菩薩上行意菩薩莊嚴王菩
薩無盡意菩薩觀世音菩薩華德菩薩或有說或無
說拖拖扯扯扶起破沙盆於其中間喜得不曾說着
一字且道如何是法華經若說四諦法尋常爲聲聞
人說過的非法華經若說十二因緣法尋常爲辟支
人說過的非法華經若說六波羅蜜法尋常爲菩薩
說說了又說亦非法華經若謂着間白毫放光頂髻
放光現廣長舌相上至梵天是說法華經尋常舍衛
國裏白鷺池邊時時出現也是除夜舊門神一總沒

交涉若謂入於三昧嘿然不動止止不說是說法華
經這個越發是摩竭國中現成圈績有甚希奇恁般
賣弄是了是了佛不云乎如優曇華時一現耳世尊
不起於座天雨曼陀羅華曼殊沙華說法華經已竟
也未必然須菩提宴坐帝釋雨華此土華林園中天
雨金屑寶花不聞是說法華三昧這不是那不是畢
竟如何是法華經呀呀錯過了也去年今日此門
中人面桃花相映紅人面不知何處去桃花依舊笑
春風耆闍崛山好個消息說無量義經入無量義處
三昧此世界他世界今世界古世界攪做一塊混做

一團不消雨華不消放光人人鼻孔朝天個個脚跟
着地盡大地一切衆生一時授記作佛了也乃往古
世妙音菩薩得妙幢相三昧法華三昧淨德三昧宿
王華三昧無緣三昧智印三昧解一切衆生語言三
昧集一切功德三昧清淨三昧神通遊戲三昧慧炬
三昧莊嚴王三昧淨光明三昧淨藏三昧不共三昧
日旋三昧總不出此無量義三昧當爾之時文殊師
利法王子斬關而入掀倒禪床喝散大衆馬祖陞堂
百丈卷席不爲分外待他老瞿曇粧模做樣放出一
道白光射東方小小國土撒泥撒砂堪作甚麼十方

齊擊鼓十處一時聞何不放他百千萬億寶光射遍
百千萬億塵沙諸國可的射到東方堪作甚麼諸
仁者莫眼花麼曼殊童子隨邪逐惡說許多般屋裏
販揚州赤土塗牛妳妙光菩薩七佛之師果然果然
爭奈瞿曇面前出一個女子定不得日面佛月面佛
日月燈明佛都在他老瞿曇面門出入乃至百千萬
億文殊在在處處遍滿恒河喚那一個作曼殊童子
然燈老古錐也在他家屋簷頭下過來如法王子受
灌頂位八王子十六王子歷歷分明洞山五位王子
煞有來由從這裏去知麼知麼如來爲一大事因緣

出現於世開示悟入佛之知見種種方便譬喻言辭
而爲說法第一希有甚深難信之法惟佛與佛乃能
證知增上慢人不堪任受五千退席退亦宜矣長老
舍利弗抖擻精神承當個事取鉢袋來取火來瞎驢
滅卻若是個皮裏有血的決定不入這個保社爭奈
他智如鶩子忍俊不禁大踏步向前道今日乃知真
是佛子從佛口生從法化生頭上寶華冠是脫不去
的了十大弟子舍利弗智慧第一迦葉頭陀第一須
菩提解空第一目連神通第一迦旃延論義第一滿
慈說法第一阿難多聞第一羅睺羅密行第一一總

成就了也惟有優波離阿那律不在其內總而論之
舍利弗等是化生王子文殊師利法王子等是誕生
王子然燈佛等八王子阿閼佛等十六王子是內生
王子五百羅漢學無學人是朝生末生王子分內紹
外紹別臣種王種不足疑矣惟一乘法分別說三有
頓有漸緣立宗趣是一是二雪山產大白牛食其糞
穢能已諸疾車若不行打車卽是打牛卽是三界無
安猶如火宅出火宅坐安車大丙爲御七聖同途朝
發崑崙夕遊天門莊周屈平莫謂不道如來等慈視
諸衆生正猶一父之子有大家業須付其人挂敝由

來顯妙傳糞掃堆頭礫礫實事當日飲光尊者在百萬人中破顏微笑正法眼藏涅槃妙心已將徹過一邊家醜外揚又是重新提起龍王一味普雨所潤不同文殊令善財採藥信手拈來總只一相一味之法傳金襴袈裟外倒却門前刹竿從此祖禰不了寃有頭債有主十六王子一名阿闍二名須彌頂一名師子音二名師子相一名虛空住二名常滅一名帝相二名梵相一名阿彌陀二名度一切世間苦惱一名多摩羅跋旃檀香神通二名須彌相一名雲自在二名雲自在王一名壞一切世間怖畏二名釋迦牟尼

尼八元八愷彼彼同時這黃面瞿曇那裏是什麼淨飯王家悉達太子大通智勝佛多年老古錐原來是個不啣嚙漢一佛出世二佛升天坐久成勞瞌睡還不曾醒一葉落天下秋電光石火轉个身來受他無央數釋梵天王請說法要嘿然者久之情知這老漢也道不得及乎一五一十向人天衆前應個時節依舊是趙錢孫李周吳鄭王四諦十二因緣聲聞辟支佛法我道你有多少奇特原來原來有口只堪挂壁被人拶着鼓粥飯氣轉見不堪他於法一切不受的人畧有些子衲僧氣槩休休請過一邊推爺向裏

頭去見麼見麼他這十六個不孝闖提之子一哮喘時祖父俱盡轉輪聖王妙德尊寰宇高明朗太虛不是小可的也只得忍氣吞聲同他一班沒意智的人眼睜睜好看古人道同時不識祖這裏還理會得麼他寶鏡三昧分明道個子順于父又道是寶鏡堂前轉身就父爲甚麼日月燈明佛口如匾擔大通智勝佛手似插椎都讓他八王子十六王子出向人前之乎者也不見道還鄉盡屬兒孫事祖父從來不出門譬如王子能成一國之事法爾如然不可強也纔到化城未爲寶所波羅蜜波羅蜜過一程又一程那邊

更那邊未是到家田地如何是到家田地聾客舍并州已十霜歸心日夜憶咸陽無端更渡桑乾水却望并州是故鄉辛辛苦苦五百阿羅漢二千學無學人齒落髮白斷送了一生也指望個出頭日子罷罷將錯就錯一總發付了他牟尼珠人不識如來藏裏親收得趙州道佛之一字吾不喜聞又道有佛處不得住無佛處急走過三千里外逢人不得錯舉摘楊花摘楊花且作麼生聾迦葉傳阿難阿難傳商那和修如是乃至優波迦多提多迦彌遮迦馬鳴龍樹西天四七東土二三和他天台賢首一班義學禪和一個

大帽子一齊都罩下了善男子善女人一針一草一色一香禮拜供養念佛行持一入其中自然開悟譬之鑿井漸入漸深佛言誠實不欺汝也虛空講經無情說法有多寶塔從地湧出贊言善哉善哉急着眼看有者道石言於晉神降於莘禍事禍事還諦當麼雀離浮圖今現在佛滅度後八萬四千舍利造八萬四千塔一一舍利一一全身佛身充滿於恒沙在在處處築着磕着且往古世劫灰飛盡這多寶佛又不知在威音王已前威音王已後龍龍鐘鐘半死半活六根不具七識不全走向人前討甚麼盃如今人只

解道二身一身釋迦佛是報身佛多寶佛是法身佛他方百千萬億是化身佛說此大乘經典二身普會異口同宣現前大眾湧入虛空得未曾有莫錯莫錯脊橫鼻直鵠白烏玄殊是文殊文喜是文喜毘目仙人執善財手卽自見身遍滿虛空及乎放手原在本處孫行者行孫老瞿曇使個障眼法兒哄弄人家男女且不要采他只這藍藍縷縷多寶老凍儂也是個魂不散的死漢然雖如此渠不是我我正是渠倩女離魂畢竟那個是真那個是假若人識得只消道個勘破了也此土丘陵坑坎荆棘瓦礫原來是黃

一揆述
金七寶所成我道珊瑚琉璃真珠瑪瑙正是坑坎丘
陵荆棘瓦礫有兩樣麼有利無利不離行市老瞿曇
卻也知非且退身在寶塔中道個老僧罪過貧兒思
舊債猛可的想着他惡友太子多生歷劫把髻投衙
卻也全得他力龍象蹙踏非驢所堪全得他力咬牙
封雍齒泣涕斬丁公他提婆達多灑灑落落好個丈
夫爭肯受伊囊藏被蓋待世尊入地獄我乃出地獄
幾乎錯喚你做魔王男兒自有衝天志不向他人行
處行切忌切忌他龍女八歲竟往南方世界成等正
覺且道承誰恩力老瞿曇好不耐煩終日口巴巴的

授記作佛待未來世待未來世有甚了期這小妮子
獨步大方如壯士展臂不藉他力曼殊童子因風吹
火借婆衫子拜婆年也只解看舍利弗舍利弗當日
毘耶會裏遇月上女失卻一機如今又來納些敗缺
靈照一個籃子從他屍陀林中七賢女處傳授將來
與伊凌行婆俞道婆燒庵婆子偷筍婆子臺山婆子
鄂渚婆子一類倚草附木之魂成羣逐隊走也若到
老僧手中和他八歲小女兒在無垢世界喚將轉來
貶向鍊圍山去他波闍波提比丘尼耶輸比丘尼看
得眼熟思量奪市搶行釋迦老子硬如生鍊軟似綿

團便不違所請莫不是虛妄授記麼見道容易守道
難道人行處如火消水卒難近傍不是與人難共住
大都緇素要分明除二時粥飯外是雜用心于法不
得放逸不戲論說法平等說法不多說法方便隨宜
說法誓不爲小乘人說法四十九年不說一法如髻
中珠不妄授人如來爲一大事因緣出現于世時節
若至其理自彰現前異類諸衆生等鬚張三黑李四
東村王大姐間壁小二哥十字街頭廖鬚子和他燈
籠露柱凳子香臺牡丹花木犀花石敢當痒和子貓
兒狗子蚯蚓烏龜蟻蝦螟乃至一絲一粟一色一

聲頭頭上顯物物上彰三十二相八十種好所在圓
成不移而具如來應供正偏知明行足善逝世間解
無上士調御丈夫天人師佛世尊吾今爲汝保任此
事終不虛也快哉快哉百千萬億諸菩薩等在於娑
婆世界之下虛空中住今悉來集撞頭磕額是處產
芳草滿街皆聖人有甚疑惑住住住耆闍崛山在王
舍城中佛最後說法將次涅槃這年歲是有限的屈
指筭來也不多幾日動云五十小劫六十小劫欺誑
誰來當初在木菩提樹下三七思維開口便經塵劫
恐人不信卻道無邊刹海自他不隔於毫端十世古

招述
今始終不離於當念如今從直供招謂祇如半日祇
共彈指這也罷了卻又道從生至生我實不死趙人
樂大燕人李少君方士徐福大言不慚了角女子白
頭見此則難信乘白象降王宮豈不是生露雙足出
金棺豈不是死那知他雲駛月運舟行岸移旋嵐偃
嶽而不動江河競注而不流日月麗天而不周野馬
飄鼓而常靜東湧西沒捨身現身如世良醫憐子失
心實未嘗死而謂已死移山門入佛殿舉芥子內須
彌三脚驢子弄蹄行兩個泥牛鬪入海鉢裏飯桶裏
水未爲奇特盡大地是一卷經盡大地是一隻眼以

如是眼持如是經出息不入衆緣入息不居陰界常
轉如是經百千萬億卷有麼有麼財法二施等無差
別莫更向這裏下得一轉麼啞人解語聾人解聽枯
木裏龍吟鬪髓裏眼睛論什麼八百功德千二百功
德楞嚴會上也不較多這裏重來着楔睦州問陳操
尚書見說尚書看法華經經中道治世語言資生產
業皆與實相不相違背且道非非想天幾人墮位只
此一問他陳操尚書目瞪口呆還說什麼六根清淨
雖然雖然我不敢輕于汝等汝等諸人終當作佛往
昔劫中然燈佛爲王子時我爲常不輕菩薩每向人

撰述
作如是說呀呀話墜也話墮也舌頭不在口裏出廣
長舌相身諸毛孔放百寶光如帝網珠光相入契
時之間十方世界通達無礙如一佛土此土他方不
容揀擇十方無壁落四面亦無門上至有頂下至阿
鼻有多少隔礙琉璃古殿照明月三更不借夜明簾
諸人曾見麼衆生界盡衆生名字悉空都來總是菩
薩了摩菩薩頂授記說法祇說這個法於其中間不
一不異爾時十方諸佛各還本土天是天地是地山
是山水是水你是你我是我大抵還他肌骨好不搽
紅粉也風流一期佛事約莫成辦了也却有一段菩

薩因緣不曾說破藥王菩薩於往古世得現一切色
身三昧燒身燒臂供養如來大死却活無手人行拳
是和身拶入的一個樣子阿逸多阿逸多號爲求名
相去多少如今還有恁般人麼無志之徒自甘退屈
南天台北五臺踏翻許多州縣向外尋求驀地歸來
眉毛只在眼上我此道場巍巍堂堂文殊已擎香水
去普賢又負淨瓶來過去七佛與未來千佛在拂子
拄杖頭過東過西奔走聽命頂門上一道寶光直射
梵天飛過威音那畔重重無盡主伴交叅他妙音菩
薩分明向娑婆世界按下雲頭稽首作禮三萬二千

撰述
法師卷四
十一
師子之座維摩丈室不迫不隘何況於今諸仁者莫
自退屈彼旣丈夫我亦爾爾娑婆世界七寶莊嚴攝
入三千大千十方諸佛一切國土十六王子一時作
佛奔走輻輳齊至娑婆低頭合掌他黃面瞿曇口喃
喃道渭城朝雨浥輕塵客舍青青柳色新勸君更盡
一杯酒西出陽關無故人我爲法王干法自在這普
現色身三昧比比皆然非菩薩非不菩薩大衆莫退
屈好華德菩薩在過去雲雷音王佛前夙植德本於
今分身無數徧十方刹不可思議觀世音菩薩過去
正法明如來隱其自在神足之力亦分身無數徧十

方刹不可思議或現辟支佛身或現聲聞身乃至或
現天龍夜叉乾闥婆阿修羅迦樓羅緊那羅摩睺羅
伽人非人等身頭長三尺頸潤二分夜叉心菩薩而
木鷄啼午夜芻狗吠天明切莫正眼覷着大事因緣
一時了畢如來尋常說法卽說陀羅尼謂爲密部使
人受持今日倒行此令菩薩乃至諸天鬼神鬼子母
撥動琵琶共歌一曲見麼見麼鴉之鳴鳴鵲之啾啾
吽吽吽吽吽一齊演出且道滯羸庭藤林荒禪子
訝中翁垂是密部不是密部藥王藥上身上出水身
下出火身下出水身上出火大中現小小中現大入

撰述
地如水履水如地你諸人莫作奇特商量歷日月燈
明佛雲自在王佛娑羅樹王佛一佛二佛三四五佛
直說到樓至如來有甚麼限說得一丈不如行得一
尺說得一尺不如行得一寸文殊智普賢行如車二
輪如鳥二翼這普賢菩薩是少他不得的東震旦國
有人親見普賢縮雙髻持梵夾法華會上普賢後來
乘六牙白象說陀羅尼畢竟普賢毛孔是多少大爾
時世尊與多寶佛在寶塔中同聲唱言久嘿斯要不
務速說時多寶塔忽然不現天山雪後海風寒橫笛
偏吹行路難磧裏征人三十萬一時回首月中看

涅槃末後句

水西佷亭淨挺著

橋李張天柱

天植全閱

壽量品

雙樹林中如來入滅他方世界無邊身菩薩及此國
土天龍魔屬大地山河鳥獸草木悉皆震動可的
迦葉阿難一對闍提不孝之子不到面前是何道理
瞿曇瞿曇憐兒不覺醜人天衆中大開口說我今正
法眼藏盡付摩訶迦葉爲汝衆生作所依止意在干

何諸仁者莫眼花好如來紫磨金色之身不般涅槃
諸人見涅槃摩訶迦葉不見涅槃衆生無常如來是
常六祖大師早是道了也是醍醐是毒藥如蟲禦木
偶爾成文勿以革囊盛彼上味知麼知麼伊字三點
縱亦不成橫亦不成竝亦不成雲門三句臨濟三玄
盡被他鄂渚船夫一篙打盡還出得老僧圈纘麼純
陀獻供滴水難消入海求珠徒勞罔象且要問你迦
葉菩薩迦葉摩訶是一箇是兩箇聳大地山河作舞
金色作舞衆中辯取還我箇迦葉來

金剛身品

垂手還同萬仞崖正偏何必待安排琉璃古殿照明
月忍俊韓盧空上階渠不是我我正是渠于此會得
黃金瓦礫攪做一塊打作一團直是分疎不下說甚
麼金毛師子花藥欄山花開似錦澗水湛如藍這一
絡索也不消得了瞿曇背痛分明入滅口巴巴說箇
金剛不壞之身還信得及麼老僧不持五戒常以弓
箭刀劍之屬侵擾衆生儘著人罵我道禿居士却也
甘得畢竟塚間樹下姪女寡婦之家是有分別是沒
分別雖則曹山顛酒不掛靈衣要且雲光變牛此事
不當小可見麼見麼師子吼時芳草綠象王回處落

花紅急著眼看

名字功德品

諸方五味禪我這裏一味也無說甚八味具足二十年住山不少鹽醬錯斷送了多少人也滯羸厄藤林荒禪子訝中眉垂是何章句是何名字達摩老臊胡趨口道實無功德還諦當麼

如來性品

如來有密語迦葉不覆藏一夜落花雨滿城流水香依法不依人依義不依語依智不依識依了義經不依不了義經玉線金針鴛鴦綉出有恁般人麼饒你

一肚皮佛法稗販老僧總只食酥不消轉益增病乃至波旬出世詐現威儀飲酒食肉樗蒲圍碁大踏步向前自稱解脫苦哉苦哉我佛法中名爲罪人未得謂得未證謂證動口是德山棒臨濟喝搖唇吐舌慣占便宜古者道醍醐上味爲世所珍遇斯等人翻成毒藥他大覺世尊臨當滅度一一說破了也譬說寶刀如殺羊肉我王庫內無如是刀是佛是魔切須辯取空如來藏祇在目前彼力士珠不離額內你是恁麼人家男女我是大闡提人家男女涅槃堂裏儘賣風流闡提有佛性闡提無佛性這也不勞再辯了蠢

一 卷
二 卷
三
動含靈皆有佛性爲甚麼狗子無佛性老趙州老趙州業識茫茫欺人太煞犀因翫月紋生角象被雷驚花入牙可是知而故犯麼伊優啞遏囉多是何音響鏡歌十八曲上之回君馬黃總不如妃呼希一句囑圖道了也雲門一字是滿字是半字仰山識字是梵字是唐字獼猴捉月祇益自勞佛真法身如月在水一搥塗毒聞皆喪身在其中那得知八十公公入場屋真誠不是小兒嬉大慧此頌捉敗巖頭座上仙陀只今未遠洞山問曹山不變易處豈有去耶曹云去亦不變異借借不借借若辯來由本有今無本無今

有三世有法無有是處皆爲戲論妙妙廣額屠兒千佛一數立地成佛還說什麼有佛性無佛性麼

一切大衆所問品

洞山和尚臨當入滅辦愚癡齋供養大衆如來化身無量受純陀供及天人供有兩般麼一音演法隨類得解舌頭不在口裏與汝赴箇來機有時恁麼有時不恁麼守株待兔求劍刻舟似這般死漢有甚用處喪欲速貧死欲速朽夫子有爲言之也你道如來有二種語麼汝真文殊更無文殊是文殊者爲什麼迦葉白椎乃見百千萬億無數文殊倩女離魂誰當是

真誰當是幻曼殊童子好逞風流正好取來和他純
陀一坑埋卻惟有迦葉阿難不在裏許剎竿倒卻別
露鋒鋷豈肯捨他殘唾罷罷今日牙痛今日頭痛不
能爲汝說了也吾有大病非世所醫不病者來看和
尚麼老僧看他有分

現病品

日面佛月面佛膿滴滴地此中有秘密否瞿曇熟處
難忘一生粧模做樣鼓兩片皮哄弄人家男女臨命
終時一齊迸現少不得見神見鬼撒沙撒泥魂魄飛
揚眼花撩亂提婆達多豈有出地獄分如來豈有入

地獄分大抵還他肌骨好不搽紅粉也風流饒伊掩
耳偷鈴到底出乖露醜恁般行徑早被旁人勘破也
盲者見色聾者聽聲啞者能言拘躄能行諦當甚諦
當奇特甚奇特祇如玄沙三種病人且作麼生相見
自古道密在汝邊麒麟一角豈足爲奇折足泥牛飛
過東洋大海

聖行品

聖人不知卽同凡夫凡夫若知卽是聖人纔有一毫
聖凡情見早是隔津了也瞿曇瞿曇是凡是聖聾師
子尊者已得蘊空白乳湧高數丈難忍能忍難行能

行如帶浮囊度彼大海意在于何古者道明知生是不生之性爲甚麼卻被有生之所流轉功德天黑暗女有智主人二俱不受阿誰繫縛汝來上大人丘乙己知什麼苦斷什麼集證什麼滅修什麼道一總寐語說他怎的如何是道十字街頭休斫額如何是道大好山如何是道牆外的如何是道明眼人落井畢竟這幾則語中那一語最親切處處綠楊堪繫馬家家有路透長安從門入者不是家珍我爲法王於法自在世諦與第一義諦切忌打做兩極若向世法外更討甚出世法秤錘上呷汁早只自生障礙曹山取

正命食全彰尊貴家風不斷聲色帶角披毛本地光明自由自在色不到眼聲豈到耳且喚什麼作聲喚什麼作色響老僧百年後山頭檀越家作一頭水牯牛輕打我輕打我他解向異類中行機關木人如是如是鐘中無鼓響鼓中無鐘鳴皮也無打甚麼鼓鼓也無打甚麼皮若謂老僧會轉法輪卽是謗我小乘錢貫大藥井索二十五絃彈夜月腰纏十萬下揚州說甚照鏡三昧寶鏡三昧一總是錯呀呀呀閻羅王來拿我也生身入地獄合是老僧招得好手猶如火裏蓮宛然自有冲天志心持半偈月到上方癡人莫

更說夢

梵行品

喚和尚作一頭牛得麼得如來世尊作鹿作罷作
麀作兕作龍作金翅鳥作粟散王作轉輪聖王是有
差別否青牛白狗玉鳳金鸞這裏分疎不下獼猴獻
密百鳥啣花家有白澤之圖必無如是妖恠達摩西
來不立文字時節若至其理自彰大慈大悲開我迷
雲令我得入如甘露味如如意珠寧說阿羅漢有二
毒不說如來有二種語然雖如此老僧顛倒後語不
應前言當門齒缺莫怪莫怪瞿曇無賴純將諸惡羅

刹以爲侍從所可教詔純說虛空只學得箇障眼法
兒五百力士揭石足指飛騰掌中師子一齣攝彼狂
象以至雜花飛砌寶樹凌階墻壁動搖井泉流溢弄
些鬚臉哄動頑愚莫錯莫錯切切不要信他我佛法
中無如是事譬如以手搏弄虛空虛空打虛空罵虛
空往來虛空應接提婆達多真汝之師開示悟入佛
之知見理無礙事無礙理事無礙事事無礙法無礙
義無礙辭無礙樂說無礙知麼知麼葉且不是根角
且不是牛鶴且不是水見卵思炙莫太早計直得清
淨本然戒光口出藕絲牽大象芥子內須彌到恁麼

時火不能燒水不能爛風不能動地不能持生不能
生死不能死住不能住壞不能壞貪不能貪嗔不能
嗔癡不能癡畢竟以何爲驗譚阿闍世主以少金剛
能壞須彌亦如少火能燒一切如來爲彼住世一劫
把手同行大王來也大王萬福無作無受罪性本空
文殊持刃來逼世尊吾必被害爲善被害知麼知麼
阿難迦葉是一闍提毗婆尸佛早畱心直至如今不
得妙呀呀呀眉毛墮也

嬰兒行品

如世嬰兒五相完具不去不來不起不住婆婆和和

有句無句終不得物語未正故暗中明明中暗偏中
正正中偏丈二長和尚摸頭不著諸仁者一大藏教
是止啼黃葉千七百則是止啼黃葉乃至典墳丘索
醫卜種樹之書是止啼黃葉二百篇是止啼黃葉五
千言是止啼黃葉蘭臺石室金簡玉書是止啼黃葉
街談巷議是止啼黃葉咳嗽涕唾是止啼黃葉爲汝
方隅曲設權巧泥牛吼月木馬嘶風行于非道通達
佛道譬如人家有三子一著村中一著州中一著縣
中且道那一箇是內紹那一箇是外紹譚昭王少子
壓紐武帝立少子趙母恤少子登常山丈夫多愛少

探述
子彼少子者嬰兒也是麼煦日發生鋪地錦嬰兒垂
髮白如絲奪人奪境卽且置有者道丫角女子白頭
兒是何章句

光明遍照高貴德王菩薩品

知麼知麼于兜率天實無如來迦毗羅城實無如來
迦毗羅園實無如來鬱陀迦阿羅邏中實無如來阿
利跋提河中實無如來菩提樹下實無如來波羅柰
城實無如來拘尸那城實無如來如來不出閻浮提
界非見而見不聞而聞清凉文益禪師嘗說四法有
聞聞有聞不聞有不聞聞有不聞不聞曹山亦有四

法有借有借借有不借借有全超不借借也奇恠也
奇恠刹竿頭上一道寶光直貫到他方世界依舊轉
來飛向石師子口裏且道是何祥瑞聳爾時世尊嘿
然文殊嘿然迦葉嘿然一齊口掛壁上意在于何生
不可說不生不可說生生不可說生不生不可說不
生生不可說不生不生不可說不可說不可說僧問
愚庵如何是實相庵云石匠夏小川僧云某甲問實
相庵云阿嚏大衆看看琉璃光菩薩來也如來或現
一身或現多身或現大身或現小身或現男身或現
女身身上出水身下出火入地如水履水如地乃至

樹木山川城邑聚落隨意所現是有相耶是無相耶
是非有非無相耶是亦有亦無相耶如來在拘尸那
城說入涅槃如來在波羅柰城說不入涅槃畢竟入
卽是不入卽是王老師自小牧一頭水牯牛向東邊
去不免犯他國王水草向西邊去不免犯他國王水
草不如隨分納些些譬如一室惟有六窓內獼猴外
獼猴嘶喚嘶應卽如內獼猴睡著時如何惺惺我與
你相見了也盲龜值木香象渡河是恁般人方解說
恁般話直得特牛產犢石女生兒且要問你非非想
天幾人墮位聾師子咬人韓盧逐塊闍黎顛倒喚奴

作郎金鍮不辯玉石不分遠善知識近惡知識筌篋
妙音非有妙指終不能發住住菩薩不修淨土如
來不證涅槃于一切法實無所說且道得何三昧耶
隨流認得性無喜亦無憂老僧于一切法悉無所見
師子吼菩薩品

一句道得師子頻申二句道得師子返擲三句道得
師子踞地太陽太陽盡情吐露了也云何說法何故
說法爲誰說法欲知佛性義當觀時節因緣菩薩見
性如來見性要見佛性麼無明卽是要見無明麼佛
性卽是舉一不得舉二天台來徑山去來日普請當

時還有過麼薄伽梵涅槃門雲門扇子乾峯拄杖有
優劣沒優劣勿于中路事空王杖策優遊到本鄉汝
欲入京朝帝主麼纔到潼關切忌退轉是師心者不
師于心與天爲徒乃名天行木鷄啼芻狗吠前中後
陰一時打併角生酪耶乳生庵羅耶白犬黑耶鷄三
足耶丁子有尾耶佛性有佛性無作麼生會看看瞿
曇幻術滅沒了也看看婆积多城拘尸那城師子吼
也外道六師同共隨逐誑惑人家男女唯除阿難迦
葉諸大弟子所不能曉明中有暗暗中有明暗時無
明明時無暗火熱風動水濕地堅四大性復如子得

母先以定動後以智拔譬如明鏡照了面像是空三
昧是無願三昧是無相三昧見麼見麼諸人但知定
業難逃不知定業可壞爲壞定業端修道果如何修
道果實有佛處不得住無佛處急走過三千里外摘
楊花摘楊花鐘中敲敲中鐘諸法不相知諸法不相
到見麼見麼羣盲摸象或說似蘆葍或說似箕或說
似石或說似杵或說似臼或說似牀或說似甕或說
似繩畢竟不觀全象他過量人一超直入得不退轉
雖行畜生行不受畜生報回途入妙與化俱徂不見
道真師子兒善師子吼麼淨飯王宮分明誕生王子

千華臺上分明化生王子如來化生耶非化生耶具
眼者辯取

迦葉菩薩品

是則龍女成佛非則善星墮陷善星比丘是真善知
識善說法要譬彼力士能止兒啼滅跡除踪不留影
子矮師叔食已還吐芭蕉飲酒羅什吞針一類孤魂
燈燈不絕當時生陷地獄在地獄中如三禪天樂如
來世尊親爲記薊當得阿耨多羅三藐三菩提快哉
善星出佛身血無佛無法無有涅槃好瞿曇好瞿曇
他 一棒打殺了也四十九年哆哆和和臨末稍頭

露些敗缺尋常說善語真語時語義語法語寧說十
住退轉不說如來有二種語一總不要信他昨日說
定法今日說不定法有時教伊揚眉瞬目有時不教
伊揚眉瞬目有時揚眉瞬目卻是有時揚眉瞬目卻
不是癡人食唾正如執方療病總不是也有定答有
分別答有隨問答有置答汾陽十八問十八答歷歷
分明因語耶果語耶喻語耶不應說語耶世流布語
耶如意語耶隨自意語耶知麼知麼有無善不善有
漏無漏世間非世間聖非聖有爲無爲實不實寂靜
非寂靜諍非諍界非界煩惱非煩惱取非取授記非

影而馳說時嘿嘿時說無語中有語有語中無語或歌或舞或哭或笑或罵或讚于怨親所不能分別將謂狂耶謂非狂耶見麼見麼金翅鳥王當宇宙也搏象全力搏兔全力一身作無量身無量身還作一身于自身中作男女身牛羊象馬一耶異耶有問有答蓋是尋常用處不換機師兒返擲借婆衫子拜婆年高處高平低處低平如是如是一切諸法皆幻化相切莫鉢盂安柄沙裏尋油風動耶旛動耶本所不知本所不曉如來世尊一則嘿然再則嘿然三則嘿然推龔粧啞不是好心直得鼓粥飯氣說許多般檢點

將來過犯山嶽當時若干外道各逞異端惟有憤子梵志言下知歸與他紙衣道者把手同行猶較些子皮膚脫落盡獨存一真實是果然麼也奇恠也奇恠阿難于娑羅林外十二由旬爲億萬諸魔所共燒亂魔說種種佛說種種有差別耶無差別耶和尚門庭高峻侍者邊得個人處鹽官扇子烏窠布毛國師三喚耽源三應互相鈍置了也老瞿曇念念有詞令他須跋陀羅得甚麼第一義空出甚麼非想非非想處箇事且置慶喜慶喜汝是如來最小之弟尋常涕淚悲泣哭个不休今正當二月十五大限到來分離頃

刻不立一問不措一詞是何道理見麼見麼會中無數菩薩無數衆生入大涅槃一時死卻了也畢竟如來般涅槃聾不般涅槃聾切忌道著

涅槃後分

東瓜直籠侗瓠子曲灣灣如來世尊鼓兩片皮嘮嘮叨叨臨行之際說不休歇啼得血流不如緘口罷罷罷歸去了罷初生捏恠臨死周遮指天指地目顧四方三十二相八十種好且道有多少長處說什麼紫磨金色之身瞻仰取足你面皮厚多少去便去住便住二十四反二十七反畱畱連連命根不斷爲著什

麼來阿難老昏被他覆蓋亦不覺知如來畢竟涅槃不般涅槃菩薩大衆一切衆生弄得眼花昏暗亦不覺知如來畢竟涅槃不般涅槃隱峯倒化谷泉立化快便難逢雲居臨歿剛道箇祇這是蓮花峯庵主直入千峯萬峯瑞巖主人公如今喚亦不應也大衆看看拘尸那城阿耨達池濶一尺濶一丈東門西門南門北門靈棺自舉陰摩羅鬼惑亂于人不用大驚小恠當時人天衆前拈花微笑正法眼藏涅槃妙心分付摩訶迦葉且待他來且待他來生冤家死對頭不及黃泉難得相見金棺雙足何難拖箇死屍來觸觸

眼晴猶帶識在湘之南潭之北中有黃金老一國無
影樹下合同船琉璃殿上無知識還諦當麼身中吐
燄足下放光火不能燒水不能滅總不過是遮眼法
兒可憐生可憐生一具紫磨金色之身弄得五花星
散剛剛畱得四箇牙齒又被他捉疾刹羅偷了兩箇
連他迎毗羅國本生眷屬不能收取一毫鐵錚錚詞
御丈夫如今三昧神通都用不著了好笑好笑癡頑
俗子治兵相攻爭取舍利這幾點臭骨頭有甚好處
若不是大顛明教竭力相扶幾被他韓退之歐陽永
叔幾箇酸秀才一時罵倒且要問你丹霞燒木佛院

主墮鬚眉疎山塔上龜毛三尺臘月蓮花可曾拾取
舍利未大衆還有疑慮一般白氎爲甚城內人的大
都灰燼惟迎葉者火全不燒畢竟紫欄袈裟之外誰
是其餘快請道取



五
四
十